

Pleiv s. Gions Mustér

Rapport da gestiun 2010



Impressum

Editura: Pleiv. s. Gions Mustér

Ediziun: 1000 exemplars

Fotografia 1. pagina: caplutta da s. Valentin, Mumpé Medel (G. Tenner)

Stampa: La Tuatschina, Sedrun

© 2011 Pleiv s. Gions Mustér

Invitaziun alla radunonza generala dalla Pleiv sogn Gions/Mustér:

*venderdis, ils 13 da matg 2011 allas 20.15 uras,
en halla communal a Cons/Mustér*

Tractandas:

1. Elecziun da dus dumbravuschs
2. Protocol dalla davosa radunonza generala dils 30 d'avrel 2010
3. Rapport dil president dalla pleiv
4. Rapport dalla presidenta dil cussegl pastoral
5. Rapport dil president dalla caplania Segnas
6. Damonda da credit per la renovaziun dil tetg dalla casa pervenda a Segnas
7. Rapport da quen: baselgia e pervenda da s. Gions
8. Rapport dils revisurs da quen e scarica alla suprastonza
9. Elecziuns:
 - a) vice-president/a ed actuar/a
 - b) ugau-pervenda
 - c) revisurs da quen
 - d) commembers dil cussegl pastoral
10. Preventiv e fixar il pei da taglia
11. Plenipotenza pil futur dalla caplania Cavardiras
12. Orientaziuns
13. Undraziuns
14. Varia

La suprastonza porscha a mintgina e mintgin alla fin dalla radunonza in sempel refrestg.
Cordial invit a nossa radunonza generala.

Per la suprastonza dalla pleiv sogn Gions/Mustér:

*Il president:
Linus Maissen*

*La vicepresidenta:
Jris Lombris*

Protocol

*dalla radunonza generala dalla pleiv s. Gions,
venderdis, ils 30 d'avrel 2010
allas 20.15 uras en halla Cons, Mustér*

Tractandas:

1. Elecziun da dus dumbravuschs
2. Protocol dalla radunonza generala dils 8 da matg 2009
3. Rapport dil president dalla pleiv
4. Rapport dalla presidenta dil cussegl pastoral
5. Rapport dil president dalla caplania Segnas
6. Rapport da quen: baselgia e pervenda da s. Gions
7. Rapport dils revisurs da quen e scarica alla suprastonza
8. Constituziun dalla pleiv s. Gions: reglamentar il dretg da suttascripziun
9. Vendita sulom parcella 910 a Sontget
10. Orientaziun casa pervenda veglia parcella 327
11. Elecziuns:
 - a) president
 - b) ugau-baselgia
12. Preventiv e fixar il pei taglia
13. Damonda da credit per reparatura e cumpletaziun d'ina plat dall'ura-baselgia
14. Undraziuns
15. Varia

Otto Gienal arva la radunonza generala culs suandonts plaid: „Il temps passa e las radunonzas statutaricas stipuladas en constituziuns e statutas pretendan tractaziun e deliberaziun. Ils responsabels dalla pleiv vulan oz relatar e rapportar sur dils fatgs ch'ein occurri igl onn vargau. Jeu fetschel in cordial beinvegna a vus tuts che haveis dau suatientscha a nies invit.“

La gliesta da tractandas vegn approvada dils presents sco presentada.

1. Giusep Caduff e Battesta Tschuor vegnan proponi ed elegi sco dumbravuschs.
2. Il protocol vegn approbaus senza midadas cun engraziar all'actuara.

3. La lavur che la suprastanza dalla pleiv ha prestau igl onn vargau ei francada el rapport annual ch'ei vegnius repartius en mintga casada. Quel ensiara ils fatgs ils pli impurtonts.

El decuors dils onns vargai ein las pleivs e vischnauncas dalla Cadi sespruadas da porscher sustegn a nossa giuventetgna. La pleiv s. Gions ha investau varga frs. 90'000.- ils davos 10 onns per la lavur da giuventetgna. Ussa ein ins secunvegni sin novas structuradas ed igl ei vegniu scaffiu ina convegna da prestaziun per la lavur da giuvenils denter la fundaziun „Tür auf – mo vinavon“, las vischnauncas e las pleivs dalla Cadi. Quella convegna ha era per finamira da segidar cun nossa giuventetgna el temps liber. La lavur da giuventetgna duei possibilitar la discussiun sur dallas valurs e tematicas da nossa societad, dil lungatg e dalla cultura. Ella duei promover cumpleinamein il svilup persunal e la cumpetenza sociala dils giuvenils. La lavur da giuventetgna vegn tgamunada d'in cussegl da fundaziun, d'ina cumissiun da giuventetgna, d'ina giunta da menaschi e d'ina piazza per giuventetgna. Willi Lozza per la Pleiv s. Gions e Hans Huonder per la Vischnaunca Mustér ein nominai sco representants da nos gremis. La convegnientscha ha in temps limitau da treis onns.

La demografia sefa era veseivla ellas scheinas da nossa pleiv. L'emprema classa dil scalem ault vegn egl onn vegnent per l'emprema gada instruida comunablamein el rom religiun. Aunc sa negin propi co la realisaziun d'ina lecziun etica ed ina lecziun religiun sespleiga egl avegnir. Nus stuein denton esser aviarts per midadas constructivas. Duei la scolaziun el rom etica e religiun vegnir purschida, ha ei num encurir persunas ch'ei promptas da far quella scolaziun supplementara. Nus lein e stuein haver tut interess che nos affons sappien era egl avegnir vegnir instrui da persunas dil fatg.

La pleiv s. Gions posseda bials ed edificonts objects sacrali. La ierta da tals objects basegna tgira e survigilanza. Il davos temps vegn deplorablamein emblidau enqualga il duiv respect viers baselgias e capluttas.

La veta humana cun tut sias facetts ha in tierm final, la mort. Cun in per plaids d'engraziament seregorda il president dils trapassai en nossa pleiv e supplichescha ils presents per in cuort memento.

Alla fin da siu rapport astga nies president engraziar allas biaras persunas che s'engaschan igl entir onn per nossa pleiv.

4. Sper siu rapport stampaus el cudischet less Laurenzia Cajacob aunc communicar duas causas:

Il di da suppa ei vegnius strihaus cunquei che la Casa s. Gions ha giu la grondiusa idea dad envidar ad in gentar offerius dil persunal a caschun dil grond tiaratriembel a Haiti ed ha aschia saviu rimnar ina biala summa en favur dils pertuccai. Il medem temps ei vegniu rimnau l'unfrenda da Cureisma.

Vinavon engrazia ella cordialmein alla sora Giuanna Solèr per sias nundumbrevilas e nunstunclenteivlas visetas tier malsaus ed attempai. Ella engrazia era all'uniun da

dunnas per ses gronds survetschs en favur da nossa pleiv, p.ex. ornar il tscheri pascal, reparter ils vestgius da dumengi'alva e las devoziuns ch'ella organisescha mintg'onn.

In laud special mereta la gruppa „Salid dil Segner“. Inaga per meins envidan las responsablas al survetsch divin preeucaristic pils affons da scoletta ed ils affons tochen la tiarza classa primara. In grond diember da varga 30 persunas prendan mintgamai part a quellas sentupadas. Per quei engaschi in cordial engraziel fetg. La presidenta engrazia a tuts che segidan igl entir onn ora cun ella.

Ina grond'enzenna da damonda fa ella pigl avegnir dil cussegl pastoral. Ella ei s'engaschada persunalmein 12 onns en quei gremi e vegn ad abdicar silla proxima radunonza generala. Il cussegl pastoral duvrass urgentamein novs commembers. Sche quei ei buc il cass dat ei nuot auter che sliar il cussegl pastoral. Per quei appelescha ella a mintgin/a da ponderar in engaschi en quei cerchel.

5. Rapport dil president dalla caplania Segnas

Il president dalla Caplania Segnas, Gion Tenner, manegia che ton la lavur veseivla sco era la lavur el zuppau ein impurtontas per ch'ina pleiv funcziuneschi.

Ina dallas lavurs veseivlas ei stau la renovaziun digl intern dalla baselgia a Segnas. Durent plirs jamnas ein ils mirs vegni schubergiai e colurai da frestg.

Sco tier la baselgia s. Gions han ins era priu en egl in migliorament dalla glisch en baselgia s. Roc. Las cazzolas drovan varga la mesadad dalla forza electrica en cumparegliaziun cul scaldament. Ils responsabels vegnan denton a stuer ponderar bein tgei far, cun quei che las entradas sesminueschan onn per onn.

Era l'orgla duvrass urgentamein ina schubergiada totala ed adattaziuns vid igl instrument. Quei cuosta denton frs. 40'000.- ed ina gronda part dils daners maunca aunc.

La casa pervenda sepresenta en fetg bien stan. Sulettamein il tetg sto vegnir sanau s che pusseivel l'auter onn. Cun in per plaids d'engraziament sur fossa seregorda il president dil convischin Felix Quinter ch'ei morts ils 14 da fevrer. El ei staus plirs onns president dalla caplania ed ha aschia specials merets persuerter.

Alla fin da siu rapport engrazia Gion a sur Pius Venzin per sia nunstunclenteivla lavur. Vinavon engrazia el a tut quels che s'engaschan sin ina moda u l'autra pil beinstar dalla caplania.

6. Il quen dalla baselgia ei uonn ualti voluminus. El ensiara las grondas investiziuns pil scaldament e pil clutger. Il quen vegn presentaus da nies valent ugau-baselgia Claudius Berther. El siara cun in surpli d'expensas da rodund frs. 20'000.- Il quen detagliau dalla pervenda presentaus entras nies premurau e fetg engaschau ugau-pervenda Willi

Lozza siara giu uonn ulivaus e vegn medemamein mess en discussiun. Ils presents ein denton cuntents cun omisdus quens.

7. Roger Sac rapporta en num dils revisurs. Els han repassau tut ils quens da baselgias e capluttas ella seduta dils 12 da mars 2010 e san mo ludar ils ugaus per la buna ed exacta lavur. Ils revisurs proponan alla radunonza d'exprimer in meritau engraziament alla suprastonza, als augsegners ed a tuts ugaus per lur nunstunclenteivel engaschi.

Omisdus quens vegnan approbai dils presents cun in cauld engraziament als cassiers.

8. Ella constituziun vertenta eis ei buca reglau exactamein a tgi la sottascripziun en cass da cumpra ni vendita da schischom cumpeta. Ord tal motiv e per satisfar allas pretensiuns dil cudisch funsil propona la suprastonza als presents da completar igl artechel 21 dalla constituziun cun letra L che secloma: „La sottascripziun legalmein valeivla per la pleiv s. Gions cumpeta al president ensemen cul vicepresidente/actuar, ni en cass d'impediment al vicepresidente/actuar ensemen cugl ugau-pervenda.

La midada vegn sustenida dils presents senza discussiun.

9. Ils 14-11-2003 ha dunna Maria Josephina Columberg testamentau la parcella 910 cun casa, baghetg annex e regress a Sontget alla pleiv s. Gions ed alla Casa s. Gions. Omisduas instituziuns engrazian vi sur fossa alla donnatura per quella ierta. Essend che la casa sepresentava buca gest en vestgiu da dumengias ei vegniu decidiu ina spazzada dil baghetg. La spazzada ei terminada ed uss sepresenta in sulom da 658 m2. Tenor nossa constituziun decida la radunonza generala, art. 13, allinea g pertuccont vender, brattar ni impegnar beins immobiliars. Perquei damonda il president oz ils presents il dretg per la suprastonza dalla pleiv s. Gions da saver vender sia part dalla parcella. La vendita vegness fatga en concordanza culs representants dalla Casa s. Gions.

Negin dils presents giavischa dapli sclariment.

La radunonza generala decida unanimamein da surdar la vendita dalla parcella alla suprastonza dalla pleiv.

10. Dapi in pulit temps ei la casa pervenda veglia buca pli habitada. Igl interess per la cumpra e renovaziun da quei object ei staus avon maun. Deplorablamein secatta quei sulom en ina zona per edifecis publics, aschia che mo edifecis publics san vegnir construi leu. Per ineventuala vendita sto la suprastonza denton haver l'incaria dalla radunonza generala. Perquei damonda il president ils presents „il dretg per la suprastonza dalla pleiv s. Gions da saver vender quella parcella sch'ella anfla ina gesta e buna soluziun.“

Senza discussiun vegn la suprastonza autorisada da vender la parcella 327.

11. Suenter esser staus otg onns alla testa dalla pleiv s. Gions remetta Otto Gienal siu uffeci sco president.

a) Sco niev president dalla pleiv vegn proponius ed elegius honorificamein Linus Maissen-Desax, Cuo-z-sut.

b) Claudius Berther ha gia fatg in onn experientschas sco ugau-baselgia e dumignau siu pensum oreifer. Perquei vegn el proponius ed elegius uanimamein pil proxim trienni.

12. Aschibein ils dus preventivs dalla baselgia e dalla pervenda s. Gions sco era il pei da taglia vegnan approvai sco presentai.

13. Cuort suenter la sanaziun dil clutger e dil tuchiez dalla baselgia ha in ferm vent scarpau il plat dall'ura baselgia viers miezdi ord sia fixaziun. Igl ei bein stau pusseivel da far in provisorii, denton ston ins reparar quei donn definitivamein. Per saver fermar il plat-ura sto denton vegnir eregiu in palancau e la suprastonza schess bugen renovar ils ulteriurs plats ura e montar in quart plat da vart encunter la scola. Per quella reparatura, resp. renovaziun damonda la suprastonza in credit da frs. 33'000.- . La reparatura cuoza ca. 6 jamnas.

Era quella fatschenta vegn approvada unanimamein.

14. La vicepresidente Jris Lombris lai repassar cuortamein ils davos otgs onns cun numnar entginas fatschentas sut la bitgetta dil president partent Otto Gienal. Denter auter ha la suprastonza realisau la renovaziun dalla caplutta s. Antieni, la renovaziun dil clutger dalla baselgia s. Placi, l'installaziun dalla tabla da canzuns e dils aultplidaders en baselgia parochiala, la renovaziun dalla caplutta da morts, la renovaziun dil tuchiez e dils plauns el clutger-baselgia e la renovaziun dil scaldament e dalla glisch en nossa baselgia. Quei tut ha Otto tgamunau cun grond inschign ed engaschi. Plinavon ha el astgau assister ad enqual legreveil mument ella veta da nossa pleiv: 300 onns caplutta da Disla, festivatad 800 onns baselgia s. Vigeli, Sedrun, profess d'aur dalla sora Giuanna, las visetas dils uestgs Amédée Grab e Vitus Huonder, las fiastas cun sur Pius a Segnas ed il 65avel natalezi da sur Alexi.

Quei ed aunc bia auter ha la suprastonza organisau e realisau ils davos otgs onns sut l'egida d'Otto Gienal. En num da ses consuprastonts, mo oravontut en num dall'entira pleiv engrazia Jris Lombris al president partent cordialmein cun surdar ad el in maletg digl artist indigen Linus Flepp.

Plinavon engrazia ella al gest elegiu niev president Linus Maissen per sia promptadad da surpender quei grond e pretensius pensum e surdat ad el in matg fluras.

Laurenzia Cajacob sto deplorablamein prender cumiau da Regula Manetsch ch'era engaschada tier la gruppa „Salid dil Segner“. Era ad ella vegn surdau in pign present.

15. Sco εμπrem pren sur Alexi Manetsch il plaid. All'entschatta fa el attents ils presents sil giubileum d'aur, 50 onns sacerdozi da sur Martin Bearth. El astga festivar quei giubileum ils 16 da matg a Platta e la pleiv da Medel ensemen cun las uniuns culturalas preparan per quei di ina biala e digna fiasta. Era nus dalla pleiv s. Gions engraziein a sur Martin grondamein per sia nunstunclenteivla lavur, per siu grond engaschi ella pastoraziun, oravontut per quei ch'el ha fatg e fa aunc adina per nossa pleiv. Nus gratulein a sur Martin da tut cor sin siu giubileum d'aur e givischein ad el tut bien pigl avegnir.

Vinavon engrazia sur Alexi al president partent Otto Gienal per sia gronda lavur e per siu grond engaschi en favur dalla pleiv s. Gions e gratulescha al nievelegiu president. El engrazia en speciala moda a tut quels e quellas che s'engaschan sin ina moda ni l'otra en nossa pleiv, oravontut en baselgia. Senza ils survetschs, senza igl agid da bia persunas laicas fuss la pastoraziun buca pusseivla pli.

Igl october 2010 vegn ei gia diesch onns che sur Alexi ha surpriu la pleiv da Mustér. Tochen oz seigi el mai s'enriclaus da haver fatg quei pass. Ad interim, aschiditg ch'el possi, stetti el vinavon a disposiziun sco plevon da Mustér. Sch'ei dessi denton ina buna sligiazium seigi el immediat prompts da surdar tutta responsablidad ad in successur e semetter ella secunda retscha e segidar tenor basegns. Ina caussa seigi denton segira, el vegni mai a far in pass anavos. La Baselgia stuessi finalmein enconuscher ils segns dil temps e far enzatgei, ughiegiar da far in pass anavon, per vegnir ord la crisa, ella quala ella sesanfla da present. Ella Baselgia duess ins saver sesentir bein, esser libers, haver legria. Ella Baselgia dad oz bunamein stensch'ins sut las leschas e perscripziuns, camonds e scamonds. Gest da quei hagi Jesus gie liberau ils carstgauns da gliez temps.

Aluis Hosang engrazia a sur Alexi per ses plaid commuentonts. La fiasta da s. Gada s'avischina ed Aluis envida in e scadina da prender part ad in chor ad hoc per quella fiasta. Ei setracti da treis exercezis ed ina producziun il di da s. Gada. Ils termins vegnan publicai ad uras el fegl official.

Linus Maissen engrazia al president partent per tut prestau. Era engrazia el a sur Alexi per ses plaid ch'el sustegn en tuts graus. In'otra tenuta susteness era el buc.

Alla fin dalla radunonza engrazia Otto a tuts che segidan adina puspei da mantener nossa veta da pleiv. Massa lavur, gronda e pintga, vegn fatg en tutta tgeuadad, senza gronda publicitad e canera. Plinavon engrazia el a ses consuprastonts per lur sustegn ils onns vargai e pil generus regal che vegn a regurdar el vid ses onns sco president dalla pleiv s. Gions. Agl organ executoric dalla pleiv engrazia il president partent e giavischa bia forza e cuntentientscha en sia buc adina sempli travaglia. Sco gia usit astga el envidar ils presents tier in pushegn purschius dalla pleiv ed organisaus dall'uniun da puras Mustér.

Mustér, entschatta zercladur 2010
Jris Lombris-Manetsch, actuara



La casa pervenda veglia fatschenta la suprastonza gia dapi plirs onns.

Rapport dil president dalla pleiv s. Gions

Formular in rapport per ina pulit gronda pleiv catolica che funcziuna fetg bein, che ha in plevon che sa romontsch, che ha in plevon che sestenta per ina lingia cristiana, catolica el senn dil secund concil vatican, che ha in cor avierto sco Jesus ha giu viers siu pievel, ei plitost lev, silpli ch'enzatgi ni enzatgei vegn, senza malart, buca menziunau ni buca dau la dretga peisa. Pli grev ei da quescher e scriver nuot dad ina vart en vesta allas demissiuns da forzas da cader che han ina profunda cardientscha ed ein acceptai e stimai dalla pli gronda part dils catolics dalla diocesa e da l'otra vart dallas decisiuns ultraconservativas e nominaziuns nuncapeivlas davart nies uestg Vitus Huonder – ina tendenza che sveglia nuncapientscha e che producescha mo scalgias enteifer igl uestgiu.

La pastoraziun

La pleiv s. Gions cun las caplanias da Segnas e Cavardiras astgan selegrar dad haver ina fetg buna pastoraziun. Quella sespleiga aschi bein segiramein sin fundament digl engaschi da nies plevon sur Alexi Manetsch e da sur canoni Pius Venzin a Segnas, mo era sin fundament da tut ils auters gremis dalla pleiv, en special dalla minuziusa lavur da nossa secretaria e vicepresidente Jris Lombris-Manetsch. Aschia savein nus registrar cun satisfacziun ed engrazieivladad il success dalla lavur pastorala da nies plevon ensemen cun spirituals pensiunai, forzas jastras ed organizaziuns en pleiv e nus astgein dir cun luschezza che la pli gronda part dallas incaricas dumandadas vegnan ademplidas. Sur Alexi Manetsch muossa ina clara lingia viers tuttas refuormas conservativas e nus savein mo engraziar ad el sperond ch'el resti vinavon sauns ed aunc ina roscha onns nies plevon.

Sur canoni Pius Venzin che ha saviu festivar igl onn 2010 siu otgontavel natalezi, e quei en fetg buna sanadad, pastorescha la caplania da Segnas cun ina fetg gronda purschida da messas, devoziuns e rusaris ed ei adina puspei promts da segidar sch'ei fa basegns. Ina prestaziun admirabla – engraziel fetg e vinavon mo il meglier e la benedicziun dil Tutpussent.

Negin sto esser profet per veser la munconza da spirituals e da laics che s'engaschan per in u l'auter uffeci en nossas pleivs. Quella problematica ei era vegnida registrada digl Ordinariat. Il vicari general dil cantun Grischun, sur Andreas Rellstab, ha presentau l'idea da spazis pastorals. Ina fuorma da pastoraziun communabla cun in ferm augsegner alla testa e bia gidonters, denton nua che las pleivs restassen autonomas e che dess la pusseivladad da secrescher en la nova situaziun, che segirescha denton ina pastoraziun al temps dad oz. Quei ei in'idea che ha denton mo success cun forzas aviartas per ina Baselgia cartenta catolica che corrispunda ad in cristianissem dil 21avel tschantaner.

Nos defuncts

Il zenn da miert ha stuii annunziar igl onn vargau 25 gadas la mort d'ina parochiana u d'in parochian che ha fatg il viadi vi en la perpetnada. Mintgin ha giu cheu sil mund siu agen pensum e nus savein mo sperar che tuts e tuttas anfiien il ruaus perpeten. Cun riugs impressiunonts ed in grond pievel vegn la bara mintgamai accumpignada alla fossa. Bien engraziament per ina tala participaziun e manifestaziun da cardientscha e sustegn dallas persunas e famiglias en malencurada.

Tuttas parochianas e tuts parochians che bandunan il mund fussen digns d'ina cuorta menziun persunala. La pleiv sto denton restrenscher siu engraziament a persunas ch'ei stadas directamein integradas en la lavur dalla pleiv. Els ruaussien en pasch.

Sebastian Jacomet-Deflorin

(20 da november 1920 - 4 d'october 2010)

Il zenn dalla caplutta da sogn Valentin ha stuii annunziar ils 4 d'october 2010 la mort da siu anteriur caluster ed ugau-caplutta. Sebastian, che ha prest viviu adina a Mumpé Medel, ha cuntinuau duront decennis il survetsch d'ugau e caluster che fuva vegnius fatgs gia dapi generaziuns entras sia famiglia. Aschiditg ch'ei deva aunc la s. messa la damaun fuva siu pensum buca mo da tucclar, mobein era da scaldar la caplutta alla moda veglia e da procurar per il solver dils augsegners. El ha fatg quei pensum cun fetg gronda premura ed ha giu grond plascher che quella missiun ei restada vinavon en famiglia. La pleiv engrazia da cor per tutta lavur ed ella ei persquadida che ses survetschs seigien vegni remunerai dublamein enta parvis. El ruaussi en pasch.

Barla Desax

(6 da matg 1933 - 23 da mars 2011)

Gest avon la finiziun da quest rapport ha il zenn grond da sogn Gions annunziat la mort da Barla Desax. Dapi fetg bia onns ha Barla e sia sora Margreta giu bien quita pil decorar ed igl uorden dalla baselgia da s. Placi. Ils davos onns han ellas duas schizun ademplier il post da caluster. La Barla s'auda tier quellas "bunas olmas" che fan en tutta tgeudad survetschs alla Baselgia ed alla pleiv. Savend ch'il Diu Tutpussent tegn a quen tut las bunas ovras fatgas cheu sin tiara e dat la pagaglia en l'autra veta engraziein nus fermamein ad ella. Ella ruaussi en pasch.

Festivitads

Egl onn ecclesiastic ein las festivitads sco las quater fiastas, dumengia alva, creisma, Sontgilcrest, s. Gion Battesta ed ils patruns baselgia dallas differentas baselgias e capluttas en nossa vischnaunca, mo era las festivitads en Claustra da gronda muntada per nossa pleiv, mo era per la cuminonza da vischnaunca. La participaziun dils Chors baselgia, dalla societad da musica, dalla uniun da giuventetgna sco dallas autras uniuns

ei zun legrevla, mo vegn onn per onn pli precara. Cheu s'auda in duiv engraziament cun la speronza ch'ei resti vinavon aschia u ch'ei vegni anflau ina nova fuorma. Buca da pli pintga muntada ei era la collaboraziun cun la Claustra ch'ei stada, sco els davos onns, fetg fritgeivla - in bien spért da sustegn vicendeivel che dat forza ad omisduas cuminsonzas.

Engaschis en la peiv

La pleiv s. Gions Mustér sa esser fetg loscha dad ina liunga retscha da fideivlas collaboraturas e fideivels collaboratur e quei duront fetg bia onns. Sco niev president dalla pleiv hai jeu astgau constatar che las rodas dalla pleiv van cun gronda precisium e che tuttas personas engaschadas fan excellenta lavur. Grond engraziament persunter, sperond d'astgar quintar aunc pli liung temps sin quellas forzas, ch'jeu numnel "bunas olmas". Lur exempel duei dar anim e curascha ad auters parochians ed autras parochianas da s'engaschar en ina gruppa ni l'autra.

Cun leger pli menuziusamein il rapport 2009, mo era cun perseguitar pli detschartamein ils pensums e las incaricas dils officials dalla pleiv sogn Gions, ei mia admiraziun carschida pli che dublamein. Jeu patratgel cheu vid las suprastonzas dalla caplanias, vid ils ugaus baselgia/caplutta ed en special vid il cussegl pastoral cun siu agen comité e ses cercchels che s'organiseschan a moda autonoma e prestan grondiusa lavur. In fetg bien success ha la gruppa "Salid dil Segner". En lur rapports saveis vus leger da quella activitad. Dunna Marie-Rose Deflorin banduna suenter 20 onns la gruppa dil "Salid dil Segner" ch'ei vegnida fundada ils onns 1984/85. Per las nundumbrevilas ideas ch'ella ha adina purtau en quei gremi ed il nunstunclenteivel engaschi seigi engraziou da cor.

Uonn less jeu far menziun dalla gronda lavur zuppada, mo tuttina fetg presenta. Cheu ein per exempel la lavur da nossa secretaria culs ministrants e lu las lecturas, l'organisaziun entuorn ina sepultura (retscheiver la bara, rusaris da morts, ordinatur da sepultura) ils organists/las organistas e scapescha tuttas calustras ch'embelleschan cun atenziun speciala ils sanctuaris e quei mintgamai tenor las fiastas ecclesiasticas.

Lavar ora la baselgia parochiala s. Gions

Onn per onn organisescha l'uniun da dunnas avon s. Gion Battesta il lavar ora la baselgia e quei tut senza la minima indemnisaziun. Cun il clom dil zenn, mo en special entras la propaganda a bucca, serimna ina gronda roscha da gidontras e gidonters che schubregian e lavan ora nies sanctuaris e quei sulettamein per in Dieu paghi. La mudesta tscheina duei engraziar simbolicamein ed animar da turnar l'auter onn. Jeu hai enderschiu ch'ei vegni era lavau ora las autras baselgias e capluttas. Era quels survetschs lessel integrar egl engraziament global.

Manteniment dils edificis sacralis

Tiels rapports dils ugaus-baselgia e caplutta hai astgau remarcar che quellas vegnan tgiradas cun tutta atenziun e quei era cun mirar suenter donns. Bien engraziament.

Egl onn 2009 ein las grondas lavurs pil manteniment da nossa baselgia parochiala vegnidas terminadas cun success, seigi quei il scaldament cun niev sistem da pilotadi, la sanaziun dil tuchiez, igl indrez da fixaziun dils zenns e l'electricidad dil clutger. Igl onn 2010 ein las davosas lavurs vid il clutger e per la nova ura vegnidas exequidas per tutta cuntentientscha. La situaziun casa pervenda veglia ei restada sil medem stan.

Pilasters da cantun

En la veta d'ina persuna catolica ein ils pilasters da cantun (s. batten, emprema s. communiun, s. creisma, lètq...) da gronda muntada e quels accumpognan ils pli biars naven dalla naschienscha tochen tier la mort.

Igl onn vargau han 19 affons retschiert il sacrament dil s. batten e 17 l'emprema s. communiun.

En la scola da Mustér vegn dau ductrina en tuttas classas. Cun gronda premura vegn purschii in'instrucziun religiusa a nies temps e tschentau aschia in bien fundament religiug per la futura veta cristiana dils affons e quei cun svegliar aschi bein sco pusseivel in spért da convivenza e principis etics, mo era religiug cristian catolic. Quei ei in pensum fetg pretensius el temps dad oz nua ch'igl interess per la Baselgia, la messa ei fetg pigns ed ils exempels en ed ord famiglia svaneschan pli e pli fetg.

Cun la fin digl onn da scola terminescha scolast secundar Gabriel Venzin siu pensum en la catachesa. Per quei engaschi lessen haver engraziu da cor.

Las suandontas personas han instruiu ductrina en nossa scola: Cecilia Flepp-Walder, Ingrid Flepp-Heshof, Martina Gienal-Caviezel, Olinda ed Aluis Hosang-Tschalèr, Gion Tenner e Gabriel Venzin.

20 onns fundaziun ecumena "Tür auf - mo vinavon"

La parola dalla fundaziun ecumena "Tür auf - mo vinavon" elegida il schaner 1991 ha priu enteifer ils davos 20 onns conturas fetg concretas ed ha veramein fatg honor a sesezza cun organisar "sentupada" e quei sin camps da tut gener sco per exempel l'ARENA cun temas da convivenza culturala e religiusa ed en special culs camps per affons Camps Cadi e cun la lavur per la giuventegna naven da sur Ozioma tochen tier il project actual "Giuventetgna Cadi".

Cun grond plascher e speciala satisfacziun ha la pleiv saviu constatar ch'era commembras/commembers ord nossa pleiv ein adina stai dalla partida e luvrau activamein en la fundaziun. A caschun dil giubileum less jeu engraziari en num dalla pleiv a tuts ed a tuttas per il grond engaschi, gratular alla fundaziun e givischar vinavon bien success e

quei veramein sut il motto: “arver las portas e schar entrar”.

Per reconuschientscha, mo era en substituziun da tuttas personas ord nossa pleiv che han luvrau duront quels 20 onns en la fundaziun, numnein nus uonn ils collaboraturs/las collaboraturas ch'èin stai activs 2010: (alfabetic) Caminada Erwin, Candinas Fabiana, Deflorin Marie Rose, Flepp Denise, Flepp Monica, Huonder Hans, Huonder Lilian, Jacomet Samuel, Levy Marcel, Lozza Giusep jun., Lozza Willi, Quinter Georgina, Solèr Prisca, Tenner Gion, Venzin Antonella.

Engraziament

Tgei fussen bia funcziunaris senza la cuminonza. Lezza essas vus, caras parochianas e cars parochians, che separticipais alla veta religiosa en nossa pleiv e caplanias cun assister allas messas ed allas autras purschidas dils gremis menziunai. Persuenter lessel admetter in duiv engraziament, sperond che nossa cuminonza resti activa era el temps dil desinteress per la religiun en general, mo era per nossa Baselgia cristiana. Mo tgi che ei presents sa far valer ils agens interess.

Enten rapportar hai jeu gia menziunau plirs engraziaments, naven da sur Alexi e sur Pius tochen tier ils gidonters/las gidontras davos las culissas ed jeu less buca repeter quels mobein sutlingiar che tut quels vegnan da cor.

In special “Dieus paghi” s’auda retrospectivamein ad Otto Gienal per sia fetg seriusa e buna lavur sco president naven da primavera 2002 tochen primavera 2010.

Las abdicaziuns duront igl onn ni sin radunonza generala dattan caschun d’engraziar. Treis calustras ein seretratgas. Per la fin digl onn ha dunna Barla Tönz remess suenter 27 onns il post da calustra dalla caplutta Sontgaclau a Mumpé-Tujetsch. Medmemamein ha dunna Sabina Manetsch calau gl’atun vargau suenter plirs onns sco calustra da s. Gada. Era dunna Margreta Desax che ha ademplier cummunablamein cun sia sora Barla quei post ha mess a disposiziun quella missiun per immediat. La pleiv s. Gions engrazia per tuts survetschs prestai e spera che Sontgaclau, s. Gada e s. Placi remunereschien las treis calustras aunc specialmein.

Cun plascher sai jeu communicar ch’ils pli bia funcziunaris restan fideivels a lur posts. Deplorablamein ha la zun premurada consuprastonta e presidenta dil cussegl pastoral, dunna Laurezia Cajacob, abdicau suenter fetg biars onns d’activitad: in’immensa lavur che mereta gronda reconuschientscha, special respect ed in dubel engraziament. Legi siu bein formulau rapport! Bugen vegnel a resumar sias perstaziuns tier la radunonza generala ed engraziar ad ella per sia activitad da 12 onns.

Era nies revisur da quen Francestg Cajacob ha inoltrau sia demissiun. La lavur dils revisurs ei buca mo fetg impurtanta pervia dalla controlla da tuttas cassas mobein era per il contact tier ils ugaus/ugadessas enten dar segn da reconuschientscha per lur bien quitau per baselgias e capluttas. Duront ils davos 15 onns ha Francestg Cajacob fatg quei

exemplaricamein. Bien engraziament.

Entscheiver l'incarica da president cun in team che lavura fetg autonom e cun gronda competenza els ressorts ei fetg emperneivel. Quei ei schabegiau a mi en dimensiun impressiunonta. In duiv e profund engraziament ei il minimum ch'jeu sai admetter a mes consuprastonts: alla vicepresidente che meina era aunc suveranamein il secretariat, agl ugau-baselgia che mira competentamein per il quen, agl ugau-pervenda ch'ei gia daditg en quei gremi ed ei aschia ina fetg ferma petga pertuccont in bien cussegl ed administraziun dalla pervenda, al president dalla caplania da Segnas ch'ei nies fetg bien allrounder, sco era alla presidenta partenta dil cussegl pastoral per sia impurtonta lavur da punt denter suprastonza e cussegl pastoral cun ses cercchels.

La veta da pleiv sco cuminonza sa mo exister cul sustegn da bia mauns e quei ha la pleiv s. Gions. Per tut quei agid moral e finanziel, mo era per tutta collaboraziun naven dallas calustras, vischnaunca tochen tier tut ils gremis seigi engraziu da cor.

*Per la suprastonza dalla pleiv s. Gions
Linus Maissen, president*



La suprastonza pren cumiau dil president partent Otto Gienal

Rapport dil cussegl pastoral dalla Pleiv Sogn Gions

Preziadas parochianas, preziai parochians,

Nus udin adina puspei la damonda:

Tgei pensums ha il cussegl pastoral atgnamein?

Il cussegl pastoral stat en survetsch dalla Baselgia locala. En sia missiun da cussegliar e sustener ils plevons en damondas da pastoraziun sa el era prender conclus el senn da recumandaziun.

Il cussegl pastoral ei in ligiom denter il plevon, la pleiv ed ils parochians. Nus sespruein adina puspei dad activar la veta en pleiv cun organisar ensemen cun il plevon survetschs divins specials, dis da suppa, aperos, referats, s'entupadas per seniors eav. Plinavon essan nus era adina engaschai tier las fiastas ecclesiasticas cun differentas incaricas. Nus empruein enteifer il cussegl pastoral da realisar vos giavischs e nus essan aviarts per nos impuls e giavischs pertuccont la lavur pastorala.

Per che tut funcziuneschi ei il cussegl pastoral partius en dus differentes cercchels. Il cercchel liturgic ei responsabels per tuttas activitads en baselgia ed il cercchel social-caritativ s'engascha specialmein per senioras e seniors da nossa pleiv.

Era segidan numerusas persunas voluntariamein en differentas gruppas ch'èin suttamessas al cercchel liturgic. Quei ein: la gruppa da devoziuns, la gruppa „rusari da morts“, la gruppa „retscheiver la bara“, il “Salid dil Segner” ch'organisescha ils survetschs divins preeucaristics, las persunas che portan la communion als malsauns, lecturas e ministrants.

Igl onn vargau havein nus danovamein saviu organisar e menar atras differentas occasiuns.

Aperos da dumengi'alva e da creisma

Tier quellas bialas e dignas fiastas cun nos affons s'entaupan adina biars enconuschents ed amitgs per festivar ensemen cun ils affons e lur famiglias. Suenter messa salida la societad da musica ni la gruppa da tamburs ils premcommunicants ed ils niev cresmai e lur famiglias cun entginas producziuns avon scola. Il cussegl pastoral offerescha in apero ed aschia dat ei caschun da sentupar e sediscuorer.

Saults meditativs da cureisma

Ils 26 da mars 2010 havein nus envidau ad in suentermiezdi cun saults meditativs specialmein per il temps avon Pastgas. A quella purschida han 30 persunas priu part.

Messa da sgugialaders

Il “Jodlerchörli Ruggisberg“ da Häggenschwil SG ha visitau nus ils 25 d'avrel 2010. Cun lur canzuns ord la messa da sgugialaders ha el embelliu il survetsch divin. Las cantaduras ed ils cantadurs ein sesenti bein cheu tier nus.

Sentupada cun las differentas gruppas

Las commemoras ed ils commembers dallas differentas gruppas liturgicas ein stai envidai ad ina sentupada per sediscuorer e guder ina tscheina sco engraziament per lur grond engaschi per nosssa pleiv.

Viadi cun nos seniors e nossas senioras

Il viadi tradiziunal organisaus dil cerchel social-caritativ ha menau nus ils 24 da zercladur 2010 a Cuera. Leu havein nus fatg viseta alla catedrala renovada ed in guid ha mussau e declarau fetg entelgeivel la historia da quei grond e bi edifices. In bien caffè ell'ustria Hofkellerei, il gentar e la viseta el Segneradi da Liechtenstein han era tut ils 35 participonts gudiu.



Rogaziun federala

Era uonn ha la gruppa da devoziuns preparau e menau la devoziun da Rogaziun federala en claustra.

Messa da s. Hubert

Sco ils onns vargai havein nus festivaus ils 6 da november 2010 in survetsch divin da sogn Hubert ensemen cun l'Uniun da catschadurs Péz Alpetta. Duront e suenter messa han ils Sunacorns Badus da Tujetsch delectau cun lur musica.

Suenter messa ein tuts stai envidai ad in apero en halla Cons, offerius dall'uniun da catschadurs e dil cussegl pastoral.

Salid da Nossadunna

Il meins november seregurdein nus da nos cars defuncts. Aschia fagein ussa

Maletg digl altar lateral dretg ella Baselia s. Placi

mintgamai il november in salid da Nossadunna per tuts nos defuncts digl onn vargau.

Survetsch divin cun Sontgaclau

Sco ils davos onns ha sur Alexi ensemen cun il cussegl pastoral envidau las suitas da Sontgaclau dallas fracziuns ad in survetsch divin. Danovamein han sis Sontgaclaus cun lur fumeiglia priu part a quella messa e la baselgia era emplenida. Suenter messa ha sur Alexi tarmess il Sontgaclau ora per far las visetas allas famiglias.

Adoraziun tgeua

Lemprema dumengia d'advent ha il cussegl pastoral envidau da far ina viseta en baselgia per passentar leu in pign mument en silenzi avon il Sontgissim ed envidar ina candeila. La musica meditativa e las numerusas candelas ardentas procuran per in ambient singular, in liug da silenzi e reflexziun.

Cerchel liturgic

Il cerchel liturgic segida adina tier nossas fiastas ecclesiasticas e sustegn las differentas gruppas cun plaid e cussegl.

La gruppa da devoziuns cun sora Beatrice Desax, Laurenzia Gadola, Ingrid Flepp e Laurenzia Cajacob sesprova dad organisar e menar atras devoziuns tenor igl onn ecclesiastic.

Muort pintga participaziun ei quella purschida vegnida reducida empau.

Alla gruppa che meina ils rusaris da morts fan part: Laurenzia Gadola, Rita Furger, Catrina Steger, Benjamin Schuoler e Laurenzia Cajacob.

Als commembers da quella gruppa lessen engraziar a vus, caras lecturas e cars lecturs per la buna participaziun als rusaris da morts. Mo nus havessen aunc in giavisch. Nus supplichein da recitar il rusari en in tempo moderau e da s'accordar al menader ni alla menadra per evitar in schischuri. Bien engraziament per vossa capientscha.

Duas commembras dalla gruppa retscheiver la bara cun Marcellina Giger, Agnes Deflorin, Laurenzia Schnoz e Laurenzia Cajacob ein adina presentas cu ina bara vegn purtada en baselgia. Cun ina cuorta devoziun lessen ellas sustener la famiglia en malencurada en quei grev mument.

Il cerchel social-caritativ

La menadra dil cerchel social-caritativ, Laurenzia Schnoz, rapporta:

Igl onn ei gia puspei a fin e sco adina havein nus menau atras mintga meins nossas sentupadas. A caschun dil bi viadi a Cuera havein nus visitau la bellezza catedrala. Il

gentar havein pli tard gudiu a Balzers. Ei ha legrau nus zun fetg che schi biars han dau suatientscha a nies invit. Quitaus a nus fa denton igl avegnir dil cerchel social-caritativ.

Rapport dalla grupp “Salid dil Segner”

La responsabla dalla grupp Corina Defuns rapporta:

Las devoziuns per ils affons han giu uonn il tema: „Aunghel pertgirader“.

Ell'emprema devoziun han ils affons, enten malegiar giu ils agens mauns, zambergiu in aunghel ord pupi. Sin quei aunghel ei vegniu scret il num ed ils affons han purtau quei segn duront las devoziuns entuorn culiez per ch'ins sappi clamar in l'auter pil num.

Duront quella devoziun ha mintg'affon aunc decorau ina candeila cun in aunghel. Ella accumpogna ver 30 affons che separticipeschan allas devoziuns atras igl entir onn.

La devoziun da Nadal en baselgia ei vegnida organisada cun la grupp da termagliar „Artgin“. „In bien aunghel dai a nus“ ei stau il muossavia per la devoziun. Cun atenziun han ils affons, lur geniturs ed auters parochians tedlau la historia digl aunghel da Lalu. Lalu era in pign buobet che saveva nuota propi capir tgei lavur ch'igl aunghel pertgirader hagi da prestar mintgadi. Perquei haveva el biaras damondas a siu aunghel ch'era cumpariu ina sera avon che durmir. Las pli impurtontas rispostas digl aunghel ein bein quellas, che mintg'in/a da nus posseda in aunghel sco cumpogn e ch'el/ella sa sez daventar in aunghel per enzatgi entras segidar e far dil bien cun auters carstgauns.

El decuors dil meins settember han treis menadras dalla grupp danovamein astgau frequentar in di da scolaziun a Cuera el center catechetic.

Nus engraziein per il sustegn entras la suprastonza dalla pleiv e dil cussegl pastoral.

Las devoziuns pils affons vegnan preparadas da Patrizia Cabernard, Marie-Rose Deflorin, Corina Defuns, Regina Giger-Caminada, Irene Huonder e Corina Zanetti. Nus havein grond plascher che Patrizia Cabernard e Corina Zanetti appartegnan dapi la primavera 2010 alla squadra da collaboraturas.

Suenter in liung e premurau engaschi da 20 onns banduna Marie-Rose Deflorin la grupp cun la fin digl onn da scola 10/11. Ella ha creau il logo cun il rudi d'affons silla tabla dil „Salid dil Segner“ ed ei s'engaschada duront tut quels onns cumpleinamein en favur dils affons, cunzun entras siu grond dun da dessignar. In cordial engraziament ad ella per sia gronda e buna lavur e per sia amicabladad.

Preziadas parochianas, preziai parochians,

Uonn va il trienni 2008/2011 a fin e per mei va era miu engaschi per il cussegl pastoral a fin.

Jeu sundel sedecidida da seretret suenter 12 onns menadra dil cerchel liturgic e da quei era 3 onns sco presidenta dil cussegl pastoral.

Duront tut quels onns haiel jeu astgau collaborar cun nies plevon sur Alexi Manetsch, cun ils commembers dil cussegl pastoral, ils commembers dallas gruppas, cun la suprastonza dalla pleiv s.Gions, las calustras e la secretaria dalla pleiv Jris Lombris. A tut quellas persunas admittel miu profund e grond engraziament. Els han adina susteniu, segidau e cussegliau mei. Mo aschia eis ei reussiu a mi d'ademplier il pensum, jeu sperel per cuntentienscha da tuts. Dieus paghi per tutta beinvaglientscha.

Il cussegl pastoral drova engaschai e fideivels commembers per saver ademplier sia lavur. Mo igl ei strusch pusseivel da motivar enzatgi per quei survetsch per nossa pleiv e baselgia. Jeu lessel veramein supplicar e metter a cor a vus, caras lecturas e cars lecturs, da ponderar in eventual engaschi el cussegl pastoral. Sulet vies interess e sustegn, vossa participaziun als survetschs divins e devoziuns, vies engaschi en favur dalla pleiv e baselgia segireschan ina cuntinuaziun dalla lavur impurtonta dil cussegl pastoral.

Engraziament

In engraziament meretan alla fin da miu rapport biars denter vus, caras parochianas e cars parochians. Engraziel fetg a tut quels che segidan per il beinstar dalla pleiv s.Gions.

In sincer Dieus paghi admittel a nies plevon sur Alexi Manetsch per sia lavur en pastoraziun. Plinavon alla suprasonza da pleiv, alla secretaria Jris Lombris ed allas calustras Agnes ed Ottilia per la buna e biala collaboraziun. Era in grond engraziament a tut las numerusas persunas che s'engaschan e segidan en las differentas gruppas. A sora Giuanna Solèr in special engraziament per sias numerusas visetas a nos malsaus che selegran dad astgar retscheiver ina gada al meins la s. communium.

Als commembers ed allas commembras dil cussegl pastoral s'auda in special engraziament per lur gronda lavur ed igl agid. Igl ei bi da saver sefidar da buns commembers ch'èin adina promts da s'engaschar cu ei fa basegns.

Quei ei pia miu davos rapport en caussa, mo jeu sperel fetg e giavischel ch'èi gartegi dad anflar buns ed engaschai collaboraturs per il Cussegl pastoral Mustér.

Jeu giavischel a vus tut bien, bia perschuasiun e perseveronza per la caussa religiosa.

Mustér, avrel 2011

Laurenzia Cajacob, menadra

Rapport dalla caplania da Segnas

Sco usitau, ei la lavur dalla suprastonza dalla caplania da Segnas stada ella rama dils onns vargai. Aschiditg che nus vein in fidau sur Pius en buna sanadad dat ei per nus buc schi bia lavur. Tuttina ha igl onn 2010 caschunau dabia fastedis. Suenter 21 onns ha nossa premurada e fideivla calustra Barla Jacomet vuliu remetter siu uffeci. Cun pliras acziuns, denter auter era cun plidentar persunas dil vitg eis ei buc reussiu d'anflar ina nova calustra/in niev caluster.

Bein han entginas persunas demussau capientscha per la situaziun. Denton la gronda part da nossas parochianas e nos parochians han ni reagau ni purschiu agid. In tal agir ei naturalmein buc fetg constructiv e muossa co nossa societad ei dedicata al consum, sche pusseivel senza stuer contribuir zatgei.

Legreivlamein ha Barla Jacomet liberau nus ord nossa miseria e dau suatientscha a nies giavisch da restar vinavon en uffeci. Sia decisiun ei stada in grond levgiament, tonpli che nus savein che nossa baselgia a Segnas vegn tgirada vinavon da buns mauns.

Far caluster ozildi ei buca schi sempel. Buc la lavur ei denton quella che pretenda il grond engaschi mobein la presenza. Malgrad automatisaziun da pliras lavurs resta ei tuttina da mirar per uorden el sanctuari, quei di per di. Per levgiar la lavur dalla calustra ed anflar ina sligiazion vein nus suenter discussiun cun sur Pius reduciu il survetsch a Segnas aschia che nus vein mo pli duas messas ad jamna, ina da quellas la dumengia. Plinavon croda la messa dalla dumengia ina gada per meins silla sonda sera. Tgisà, forsa ch'ils bauns ein silmeins duront quellas duas gadas in tec pli pleins?

In secund punct da discussiun en suprastonza ei il tetg dalla casa pervenda. Suenter la renovaziun da 1981 ei quel mai pli vegnius sanus e capeivlamein ch'igl eternit da 30 onns va empaglia. Cunquei ch'il baghetg suten ei en fetg bien stan – sur Pius e casarina Matilda han tgirau e manteniu il baghetg exemplaricamein – eis ei impurtont da procurar ch'il tetg seigi intacts e laschi buc penetrar aua. Ei fuss numnadamein donn per la buna sostanza dil baghetg e la valeta dalla casa. Nus sperein perquei cul sustegn finanziel da parochianas e parochians, aschia che la casa pervenda vegni mantenida era el futur il meglier pusseivel.

Dueas gadas ha il zenn grond annunziau la mort da convischins: ils 20 d'uost 2010 la mort da Stiafen Deflorin-Schroff ed ils 28 da december la mort prematura da Patric Cabernard-Huonder. Il Segner regali als dus defuncts il ruaus perpeten e remunereschi lur stentas sin tiara cun dubla pagaglia en tschiel!

Ei resta, sco davos dil rapport, igl engraziament. Che quel vegn il davos, ha denton buc da muntar ch'el vali forsa pli pauc. Anzi, ozildi ei in engraziament da gronda valeta, remunerescha el gie quellas persunas che segidan en nossa cuminonza per che tut funcziuneschi.

In cordial Dieus paghi cumbinaus cun ils megljers giavischs per il futur va en casa pervenda a sur canoni Pius Venzin e sia casarina Matilda Lutz. Malgrad l'aula vegliadetgna - omisdus han varghentau ils otgonta - s'engaschan els cun tut lur forzas per nossa caplania. In secund Dieus paghi va a Peisel en casa da nossa calustra Barla Jacomet. Cun siu „gie“ da quest atun ha ella buc mo levgiau nies cor, mobein era garantiu il bien manteniment da nies sanctuari che vegn tgirau ed ornaus cun grond plascher e fetg bien dun. Ed il tierz Dieus paghi va per vischinadi e vischnaunca entuorn e cumpeglia consuprastontas e consuprastonts, lecturas, ministrantas e ministrants, dunnas che lavan ora la baselgia e partan ora la communion, umens che contan el chor baselgia, dirigenta, organistas ed organists, donaturas e donatur e tut quellas e quels che segidan sin ina moda ni l'autra per il beinstar da nossa cuminonza, mintgina e mintgin tenor meglier puder e saver.

Segnas, fevrer 2011
Gion Tenner, president



La grupp „Salid dil Segner“ ha zambergiau aungnels.

100 onns Uniun da Giuseps e Giuseppas a Mustér

L'Uniun da Giuseps e Giuseppas a Mustér ei vegnida fundada 1911. Precedidas eran sentupadas spontanias da Giuseps mingamai il di dalla fiasta dil s. patron (19 da mars). Las Giuseppas ein daventadas pér 1946 commembras cumpleinas. L'Uniun en honor e per venerar s. Giusep veva la finamira da cultivar l'amicezia denter ils commembers. Igl'empre han ins rimnau daners da saver fundar ina messa perpetna per ils commembers defuncts. Quella messa ei ditg vegnida celebrada per la fiasta da s. Giusep ella baselgia da s. Placi, nua ch'in altar lateral ei dedicaus a nies sogn patron. Suentier viaspras seradunavan ins da s. Giusep en in'ustria ni hotel per la radunonza e recreaziun communabla. Suentier ver giu la messa perpetna ein ils mieds rimnai vegni impundi per far dil bien. Ditg ein vegni susteni finanziaimein commembers attempai u en gronds basegns. Pli tard ei generus sustegn finanziaal ius specialmein a missiunaris e missiunarias da Mustér. Da contribuziuns ha era la pleiv da s. Gions profitau per divers acquists. Ils davos decennis ha l'Uniun susteniu las renovaziuns da baselgias e capluttas, mo specialmein instituziuns religiusas, caritativas e socialas – ton en pleiv e vischnaunca sco ordeifer. Quels daners recaltgai ein i per far bunas ovras – en tut cun ina summa considerabla da varga 55'000 frs. Ton agid ei mo staus pusseivels muort numerusas donaziuns voluntarias da commembers.

L'Uniun da Giuseps e Giuseppas dalla vischnaunca da Mustér ha giu dapi sia fundaziun buca meins che 346 commembers. Da quels ein 191 registrai el rodel dils morts. La media da commembers ha muntau ils davos decennis a rodund 120. Il grond giavisch pil giubileum secloma perquei ch'ei vegni dau vinavon il num Giusep u Giuseppa a Mustér. Da quels numalins e numalinas dependa igl'avegnir dalla Uniun giubilara.

L'Uniun da Giuseps e Giuseppas da Mustér ha commemorau siu giubileum commensuradamein la fiasta da s. Giusep 2011. Per siu centenari ei era ina cronica cumparida, edida dall'Uniun e redigida da dr. Giusep Capaul, anteriur president. Quei cudischet illustrau lai passar revista intenziun e svilup dall'Uniun giubilara cun dar investa e survesta da sia prestaziun, beneficenza e solidaritad considerabla. Facit: L'Uniun giubilara astga esser satisfatga digl'interpriu e contonschiu.

Dr. Giusep Capaul

Premi Desertina 2010 al Chor-baselgia s. Gions



La vischnaunca da Mustér ha undrau il Chor-baselgia s. Gions 2010 cun il Premi Desertina. Il Chor ha giu grond plascher da quella distincziun ed ei sesentius fetg honoraus. La surdada dil Premi ha giu liug ils 10 da december 2010 en in rom festiv, vegnius embellius dil Chor cun zacontas canzuns, en sala fullanada a Cons. Dau quei Premi ha la vischnaunca per renconuscher il grond engaschi dil Chor-baselgia duront decennis per embellir il survetsch divin da dumengias e fiastas a s. Gions. La surdada dil Premi ei succedida tras il president communal dr. Dumeni Columberg al parsura dil Chor-baselgia, Meinrad Giger, che ha engraziau resentidamein persuenter.

La laudatio ha dr. Giusep Capaul, commember activ ed anteriur parsura dil Chor, salvau sin giavisch dalla cumissiun Premi Desertina sut il presidi da geraua Cecilia Maissen-Desax che ha era tgamunau tras la occurrenza da surdada. Il laudatur lai passar revista entschatta, svilup e prestaziun dil Chor-baselgia dapi sia fundaziun 1916. Quel ei sortius digl anteriur Chor viril da Mustér che ha onns ora era tgirau cant sacral a s. Gions. Cun il Premi Desertina hagi la vischnaunca da Mustér renconuschiu la prestaziun da cant viril da baselgia duront ca. 150 onns a s. Gions.

Ella enumeraziun dalla prestaziun dil Chor-baselgia s. Gions ein era quels vischins-cumponists da Mustér vegni menziunai che han creau bellezza ovras cantadas dil Chor. Mo tut specialmein ha la renconuschientscha valu als dirigents, als organists e surtut alla gronda retscha da cantadurs – vivs e morts. Biars denter els ein vegni distingui cun medaglias per liunga cooperaziun. Ella media ha il Chor-baselgia giu entuorn 30 commembers. Tochen viaden els onns 1960 cantava el fin 80 gadas ad onn: mintga fiasta, dumengia, firau, vitier aunc da viaspras e requiem tier sepulturas. Ins sepreparava persuenter annualmein cun tochen 40 exerchezis. Dapi il Secund Concil dil Vatican (1962-1965) conta il pievel dapli en baselgia. Quei ha bein reduciu il pensum dil Chor-baselgia, mo buca privau el da sia funcziun. Ussa cooperescha il Chor intragliauter 18 gadas ad onn en baselgia.

Il Chor-baselgia s. Gions ha priu part cun success da tuttas endisch fiastas da cant cecilianas ella Cadi e sez organisau quellas treis gadas (1934, 1954 e 2008). Sia incarica ei adina stada: Diu ludar, ils fideivels edificar, cun sias contribuziuns sco liturgia – e quei gleiti dapi 100 onns.

Dr. Giusep Capaul

Quen dalla baselgia parochiala s. Gions 2010

Entradas	
unfrendas	18'276.00
donaziuns	500.00
contribuziun pleiv s. Gions	28'000.00
fondo messas fundadas	10'000.00
diever baselgia, concerts etc.	2'550.00
pagament segirada	9'518.00
contribuziun vischnaunca Mustér	15'000.00
tscheins dretg alp Cristallina	350.00
diversas entradas	4'817.80
restituziun taglia anticipada	850.85
tscheins capital	1'461.50
total entradas	91'324.15
Expensas	
sanaziun ura-baselgia	37'747.75
uorden per il survetsch divin	3'396.70
embelliment dalla baselgia (flurs, candeilas)	1'628.80
assicuranza da baghetgs	2'646.70
assicuranza digl inventar	4'434.10
assicuranza da responsabilidad	178.50
energia, scaldament, glisch	7'709.45
cudischs	1442.00
publicaziuns el feagl official, etc.	1'487.45
abonnements per manteniment d'apparaturas	1'301.30
divers quens da reparaturas e manteniment	7'688.35
diversas expensas	6'929.73
honorar ordinatur	1'200.00
contribuziun chor baselgia	2'000.00
taxa da rumians, canalisaziun aua, segirada da fiug	1'949.10
spesas da banca	134.35
total expensas	81'874.28
total entradas 2010	91'324.15
total expensas 2010	81'874.28
surpli entradas 2010	9'449.87

Bilanza per ils 31 da december 2010

Activa	
conto da spargn nr. 11079.72	25'920.34
daner da termin nr. 11079.20/1000, 1½ %, scadenza 18-03-2013	20'000.00
obligaziun da cassa nr. 11748 2⅞ %, scadenza 08-01-2013	40.000.00
obligaziun da cassa nr. 11813 1¼ %, scadenza 20-01-2012	40'000.00
total activa ils 31-12-2010	125'920.34
Moviment dalla facultad 2010	
facultad ils 31-12-2009	116'470.47
facultad ils 31-12-2010	125'920.34
Augment dalla facultad	9'449.87

*Mustér, ils 12 da schaner 2011
Claudius Berther, ugau-baselgia*

Quen dalla pervenda da s. Gions per 2010

	<i>31-12-2010</i>	<i>31-12-2009</i>
salaris pleiv Mustér	219'193.35	216'757.35
salaris augsegner	49'273.50	62'328.85
salaris personal gidonter	71'333.40	68'084.40
substituziuns	8'624.00	9'895.30
ductrina	59'360.70	53'434.00
giuventetgna Cadi	9'837.10	
SVS assicuranza sociala	9'159.65	9'684.40
indemisaziun suprastonza	9'519.80	10'890.00
segiradas d'accident	2'085.20	2'178.35
cassa da pensiun		262.05
contribuziuns	25'800.00	96'500.00
diversas contribuziuns	100.00	1'000.00
baselgia s. Gions	8'000.00	88'000.00
baselgia catolica cantunala	1'000.00	1'000.00
caplutta Mumpé Tujetsch	10'000.00	
cussegl pastoral	4'000.00	4'000.00
instituziuns culturalas	2'700.00	2'500.00
casa pervenda/schischom	9'039.70	10'672.45
manteniment	399.40	1'072.40
mobiliar ed indrez	2'215.50	2'190.00
taxas annualas	1'547.20	1'555.25
manteniment indrez	1'919.35	2'755.35
electricidad casa pervenda veglia	80.70	416.75
ieli casa pervenda	1'315.35	1'074.40
segiradas	732.85	727.65
segiradas casa pervenda veglia	793.00	844.70
segiradas schischom	36.35	35.95

caplania Segnas	88'228.90	53'328.10
salaris augsegner	19'999.80	19'999.80
salaris persunal gidonter	30'834.60	30'908.40
taxas annualas	658.75	658.75
SVS assicuranza sociala	827.95	809.00
segiradas d'accident	228.40	251.50
segiradas	679.40	597.35
manteniment casa pervenda	35'000.00	103.30
diversa	9'236.05	10'456.25
material da biro	414.60	1'694.20
spesas da banca	278.00	220.05
spesas suprastonza	1'316.90	1'717.90
telefon, porto	2'199.15	780.80
rapport annual	2'787.10	1'862.25
archiv	1'263.25	2'821.25
radunonza generala	270.00	381.00
diversas expensas	707.05	978.80
total expensas	351'498.00	387'714.15
taglias / contribuziuns	341'858.95	371'568.70
taglia pleiv	334'358.95	364'068.70
vischnaunca/ductrina	7'500.00	7'500.00
tscheins	13'011.75	16'189.60
tscheins activs	2'813.75	5'991.60
tscheins casa pervenda	9'600.00	9'600.00
tscheins schischom	598.00	598.00
total entradas	354'870.70	387'758.30
total expensas	351'498.00	387'714.15
total entradas	354'870.70	387'758.30
surpli entradas	3'372.70	44.15

Bilanza dils 31 da december 2010

ACTIVAS	31-12-2010	31-12-2009
Total mieds finanzials	361'932.65	386'951.35
contocorrents	10'490.55	7'404.58
contos da spargn	247'699.30	263'730.30
daner da termin	100'000.00	100'000.00
assegn Banca Raiffeisen	200.00	200.00
taglia anticipada	706.65	2'095.87
activas transitoricas	2'836.15	13'520.60
Total mieds administrativs	67'461.25	25'005.00
casa pervenda	1.00	1.00
casa pervenda veglia	1.00	1.00
casa pervenda Segnas	1.00	1.00
schischom Dulezi	1.00	1.00
schischom e clavau Acla da Fontauna	1.00	1.00
schischom Sontget	67'456.25	25'000.00
Total activas	429'393.90	411'956.35
PASSIVAS		
passivas transitorias	36'500.00	22'435.15
capital agen	389'521.20	389'477.05
gudogn	3'372.70	44.15
Total passivas	429'393.90	411'956.35

Mustér, ils 12 da schaner 2011
Willi Lozza, ugau-pervenda

Facultad e deivets dils fondos da baselgias e capluttas

Baselgia parochiala s. Gion Battesta fondo baselgia s. Gions fondo messas fundadas s. Gions	Claudius Berther	125'920.34 273'652.35
Baselgia s. Placi fondo baselgia	Claudius Berther	27'809.71
Baselgia s. Gada fondo baselgia	Claudius Berther	302'776.46
Baselgia da Nossadunna, Acletta fondo baselgia	Corsin Maissen	43'171.75
Baselgia s. Bistgaun e s. Roc, Segnas fondo baselgia fondo messas fundadas	Letizia Duff-Sac	57'668.65 115'683.75
Caplutta Sontgaclau, Mumpé Tujetsch fondo caplutta deivet restont	Manetsch Sigisbert	16'911.10 40'000.00
Caplutta s. Valentin, Mumpé Medel fondo caplutta	Baseli Jacomet	23'740.25
Caplutta s. Antieni, Perdomat fondo caplutta	Christian Duff	18'109.55
Caplutta s. Leci, Disla fondo caplutta	Max Deplazes	9'312.06
Caplutta s. Giachen, Cuoz fondo caplutta	Adrian Deflorin	41'129.10

Rapport dils revisurs

Ils sutsignai revisurs han, tenor incarica digl artechel 28 dalla constituziun dalla pleiv s. Gions, revediu ils quens ed il menaschi financial dalla pervenda, dalla baselgia parochiala e dallas capluttas dalla pleiv. Ella seduta dils 18 da fevrer 2011 ein quels vegni presentai e revedi.

Per mauns dalla radunonza generala dein nus revisurs il suandont rapport:

1. Las cudischaziuns ein accumpignadas dils mussaments necessaris.
2. Ils saldis da cassa, schec postal e conto da banca corrispundan culs attests mussai ora.
3. Las vaglias cudischadas ein avon maun.
4. Las expensas ein fatgas tenor conclus dalla radunonza generala sin fundament dils preventivs. Las ulteriuras expensas ein vegnidadas decididas dalla suprastonza tenor las cumpetenzas dalla constituziun.

Nus fagein alla radunonza generala las suandontas propostas:

- a) d'approbar bilanza e quen administrativ per ils 31 da december 2010 dalla pervenda, dalla baselgia parochiala s. Gions e dallas capluttas tenor las cefras presentadas,
- b) da dar scarica alla suprastonza ed als funcziunaris,
- c) d'exprimer in meritau engraziament alla suprastonza, als augsegners ed a tuts ugaus per lur nunstunclenteivel engaschament.

Mustér, ils 18 da fevrer 2011

Francestg Cajacob

Roger Sac, revisurs

Preventiv dalla baselgia parochiala s. Gions per 2011

Entradas	
unfrendas	17'000.00
contribuziun pleiv	8'000.00
fondo messas fundadas	10'000.00
tscheins da capital	1'000.00
restituziun taglia anticipada	700.00
tscheins dretg Alp Cristallina	300.00
restituziun da segiradas	1'000.00
total entradas	38'000.00
Expensas	
uorden per il survetsch divin	2'500.00
embelliment dalla baselgia parochiala	3'700.00
assicuranza da baghetgs/inventar/responsabilidad	6'600.00
energia, scaldament, glisch	7'500.00
publicaziuns	2'000.00
abonnements per manteniment d'apparaturas	1'200.00
honorar ordinatur	1'500.00
contribuziun chor baselgia	2'000.00
taxa da rumien, canalisaziun, aua, fiug	2'500.00
expensas nunprevididas	5'000.00
sanaziun encarna da cumiau	3'000.00
total expensas	37'500.00
total entradas 2011	38'000.00
total expensas 2011	37'500.00
surpli entradas 2011	500.00

Mustér, ils 7 da schaner 2011
Claudius Berther, ugau-baselgia

Preventiv dalla pervenda da s. Gions, per 2011

Salaris pleiv Mustér	225'740.00
salaris augsegners	50'000.00
salaris persunal gidonter	70'740.00
indemisaziun per substituziun	9'000.00
giuventetgna Cadi	10'000.00
contribuziun per ductrina	62'000.00
contribuziun SVS	8'000.00
indemisaziun suprastonza	11'000.00
segiradas d'accident e malsogna	5'000.00
Contribuziuns	27'500.00
diversas contribuziuns	2'000.00
baselgia s. Gions	8'000.00
caplutta s. Clau, Mumpé Tujetsch	10'000.00
baselgia catolica cantunala	1'000.00
contribuziun al cussegl pastoral	4'000.00
contribuziun „Camps Cadi“	2'500.00
Funs ed immobilias	18'600.00
manteniment casas pervenda	10'000.00
manteniment indrez casas pervenda	2'000.00
segiradas, diversas taxas casa pervenda	3'000.00
segiradas, diversas taxas casa pervenda veglia	1'000.00
divers cuosts da schischom	600.00
ieli casa pervenda	2'000.00
Caplania Segnas	71'400.00
salaris caplania Segnas	20'000.00
salaris persunal gidonter	31'900.00
assicuranzas, diversas taxas	2'000.00
contribuziun SVS	1'500.00
segiradas d'accident e malsogna	1'000.00
manteniment casa pervenda	15'000.00

diversa	8'500.00
material da biro	500.00
spesas da banca	500.00
spesas da porto e telefon	2'000.00
cuosts da publicaziun	2'000.00
archiv	1'000.00
radunonza generala	1'500.00
diversas expensas	1'000.00
total expensas	351'740.00
taglias / contribuziuns	338'700.00
taglia pleiv	330'000.00
vischnaunca/ductrina	7'500.00
pleiv Medel per ductrina	1'200.00
tscheins	14'200.00
tscheins activs	4'000.00
tscheins casa pervenda	9'600.00
tscheins schischom	600.00
total entradas	352'900.00
total entradas per 2011	352'900.00
total expensas per 2011	351'740.00
surpli entradas per 2011	1'160.00

Mustér, ils 12 da schaner 2011
Willi Lozza, ugau-pervenda

Fixaziun dil pei da taglia per 2012

La suprastonza dalla pleiv s. Gions ed ils revisurs da quen proponan alla radunonza generala dalla pleiv s. Gions/Mustér da fixar il pei da taglia sco suonda:

Per igl onn 2012 duei il pei da taglia restar sco per 2011 sin 12 % digl importo dalla taglia sempla dil cantun.

Ufficials dalla pleiv sogn Gions

1. Suprastonza dalla pleiv s. Gions/Mustér:

Maissen-Desax Linus, president
Manetsch Alexi, plevon (ex off.)
Cajacob Laurenzia, Cussegl pastoral
Berther Claudius, ugau-baselgia
Lozza Willi, ugau-pervenda
Lombris Jris, actuaara e vicepresidenta
Tenner Gion, president dalla caplania Segnas

2. Revisurs da quen:

Cajacob Francestg
Sac Roger

3. Suprastonza dalla caplania Segnas:

Tenner Gion, president
Venzin Pius, caplon (ex off.)
Duff-Sac Letizia, ugau-baselgia
Loretz-Huonder Alberta, actuaara
Monn Linus, ugau-pervenda
Berther Claudius, revisur da quen
Deflorin Adrian, revisur da quen

4. Suprastonza dalla caplania Cavardiras:

Labàs Christina, presidenta
Sabbadini Giovanni, ugau-baselgia
Hess Eveline, ugau-pervenda
Schuoler Alexa, revisura da quen
Schmed Adolf, revisur da quen

5. Ugaus caplutta:

Sontga Gada	Berther Claudius
Sogn Placi	Berther Claudius
Acletta	Maissen Corsin
Mumpé Tujetsch	Manetsch Sigisbert
Cuoz	Deflorin Adrian
Mumpé Medel	Jacomet Baseli
Perdomat	Duff Christian
Madernal	Claustra Mustér
Disla	Deplazes Max
Sontga Catrina	Condrau Pius

6. Commembers dil Cussegl pastoral dalla pleiv s. Gions/Mustér:

1. *Comite*

Manetsch Alexi, plevon
Cajacob Laurenzia, presidenta
Casanova Ermelinda, actua e vicepresidenta
Deflorin Marie Luise, cassiera
Schnoz Laurenzia, assessura

2. *Cerchel liturgic*

Cajacob Laurenzia, menadra
Buschor Josef
Caduff-Kneidinger Giusep
Casanova Ermelinda
Duff Giusep
Flepp Ingrid

3. *Cerchel social-caritativ*

Schnoz Laurenzia, menadra
Deflorin Marie Luise

Gia dapi plirs onns ei la Pleiv s. Gions era presenta egl internet. Sper ina vasta collecziun da texts historicis anfleis Vus dapi il november vargau leu era igl urari dallas messas, las annunzias da mort, sco ulteriuras informaziuns davart nosssa pleiv.

Aschia san ins per exempel leger davart la nova ura-baselgia:

... Ils 12 da fenadur eis ei stausch aschi lunsch: ils novs plats-ura e las parts renovadas ein arrivai a Mustér nua ch'ìls specialists han ladinamein entschiet culla montascha. Da niev consistan ils plats-ura sulettamein da duas parts. Il plat-ura sez peisa rodund 180 kilograms e posseda in diameter da 380 centimeters, l'ura sezza in diameter da 356 centimeters. Da niev ein ils plats vegni fermai cun ancras viden el mir. Il vent vegn uss a ver negina schanza pli da distaccar quels.

Suenter la montascha dils plats han ils luvrers entschiet culla decoraziun. Quella ei sularada cun aur. Igl aur dat all'entira decoraziun ina temprà zun festiva, gest tenor sco la glisch resplenda. Las cefras romanas han in'altezia da 47 cm ed ein strubegiadas cun strubas medemamein doradas vid ils plats-ura. Sco finiziun ein las lonschettas vegnidas montadas. Era quellas ein surtratgas cun aur ed era lur mesiras ein monstrusas per nosssa regiun. La lonschetta gronda mesira 218 cm lunghezìa, peisa denton mo rodund 20 kilograms. La lonschetta pintga ha ina lunghezìa da 175 cm e peisa rodund 15 kilograms...



L'ura-baselgia en renovaziun. Da vart encunter nord maunca aunc il niew plat-ura.

P.P.

7180 Disentis/Mustér